



琴雅集卷之四

吉水李醒齋先生鑒定

南和宋實穎校閱



松陵朱虹

南蘭許維樾

鵲江丁德明

茂苑顧學遷全訂

詩

唐貢山試茶

徐瑤宜興

畫溪之側君山陽實產瑞草薦天王清如仙掌傾甘
露淡如碧碗凝冰漿甘如瓊蘇瀉玉壺芬如琬液飛
霞觴憶昔相傳李唐世玉虵斫種來山旁蔓延遂乃
徧林谷嫩綠輕鮮冠衆芳却怪山僧頗好事竟將此
物陳天使使君特爲開綺筵坐有野客尤酷嗜遍試
名茶著有經清馨邽得如斯味異物須當致九重刻
期拜獻如飛駛卽今父老猶能言唐貢名山從此始
楊柳絲絲穀雨天山家此日正開園幾灣綠崦排僧
竈一帶清溪泊賈船山頭報春呼啾啾

山鳥名報春以穀雨後鳴

人乃開園採茶觸露凌烟競摘鮮屏擋竹爐松火熾爇焙紛

紛夜不眠山翁邀作試新會蟹眼沸盡金沙泉

金沙泉名

在唐貢山下玉川七椀如虹吸習習清風生兩腋試

將標品補茶經漲沙羅芥名非一別有仙香廟後生

其價乃與黃金直以斯鬪向建溪人紫笋石花迥無

匹

陽羨茶以廟後爲第一少而且佳視唐貢所產尤勝

一年一度春風颺山中

何草不生香區區一茗亦何有浪被當年陸羽嘗遂
令徵貢無虛歲玉食居然佐尚方吁嗟物生有天意
良楛淄澠須自異抱質不奇名不揚令人一飲甘如

齊採山使者開口來就中有味惟所試

唐貢山試茶

錢名世 武進

蝦虎城東水東瀉兩岸藤花如罨畫煙岫輕雷大茗
舒綠溪占地成茶舍使君五馬夾紅旌松澗穿來洞
府平嫩綠鮮芳香雨裏嘉禾瑞草別徵名驅使山丁
入叢去抽金裁璧都收貯境會亭前整玉筐拜章二
牧銜雙署天教泉脉噴金沙敢學山僧怨白蛇赤印
寬催蒸紫笋就中供御揀米芽至尊笑舉清明宴頒
賜月團三百片也復江湖到散人指揮能事旗槍戰

抽添活火汰膏薪雲脚霏霏沫餗勻翠袖低擎光瑩
乳花瓷滿注色傾銀滌煩破悶功奇絕消肉解醒寧
作厄香閣琴書夢醒時水天風月吟殘夕玉泉仙掌
畧相當貴手何嫌自潑湯重利商人勤遠販頓拋思
婦訴浮梁誰辨胡鞞及籠篋漸兒狡獪能爲爾山林
職志酪蒼頭游俠功名茶博士甃石封苔暗竇通書
旗誇酒小樓空千年唐貢傳靈秀莫恨春風草大蟲
物換星移時代易異製殊形廢先出宋家北苑龍鳳
模螯後綱頭開勝雪畢竟閩中道路難馬愁日晚舟

怯寒君謨士品徒決裂陽羨今仍壓建安獨惜茶山
蹟已古焙室不存提領所并華空憶通於潛雪水但
言烹顧渚挈鎗擔竈謁山靈飲汁重修陸羽經紗帽
棋盤皆第一紫英狼籍亂峰青

唐貢山試茶

楊鞠懷 武進

江南靈境陽羨城太湖環繞山崢嶸春風二月嵐翠
輕異花壓燒空谷明巔崖一望草樹平中有香茗橫
縱生竹孫離立初孩嬰參禪玉版高署名那知殷雷
山下轟嘉禾透笋紛紫英墨君龍腹殊彭亨棋槍野

戰誰哉勅百艸千樹羞敷榮旁矚形狀加量評悉數
妙相留僕更或蹙縮然叢短莖豪豬作鞞蹄欲行或
如白衣點太清雲根石髮墟烟縈犂牛澗臆犁春耕
綠波縹縠晚色晴江陵楠木成楚僖張坑不數何鳩
坑獸目鳥觜徒厯爭誰其貢之厥篚盛李公典郡唐
上卿山腰喝道飄紅旌樂營房戶排妙伶澗喧夜雜
歌鐘鉤公直願指蚩蚩氓振觸煙露採芽萌人持一
鎌提一簏伐柯採葉終朝盈十間五間茶局成研膏
架動蒸焙精金沙祭泉公盡誠供堂供御流琮瑋驛

騎星火馳西京日四百里官有程杏花天氣香白飴
宮中無事聞流鶯達官貴人多病醒銷金帳中飲檄
呈霜華第一美味并焚香掃地安玉鐺惠山水通開
兩罌後邊娃僮前小伴松子獸炭相煎烹波心未動
澄且泓蟹眼欲露雙青睛須臾袞袞暗浪驚馮巨擊
鼓濤砰訇銀絲一縷光晶晶玉河風雨浮碎瓊紋平
鏡圓靜無聲雲脚淡澹乳面瑩碧池瀉出素手擎三
碗文字枯腸撐湘簾棐几文楸枰聽彈琵琶亦彈箏
微風閃閃搖長檠飲罷花影疎窗橫兼下魚羨與葵

羨頓消肥膿五侯鯖神功倏忽却酒兵歡場害馬沃
巨觥與酪作奴誰使令不乃北士謀相傾只愁美利
艱餘羸國租官入常倍征反令商賈驚雷鳴樵使停
罷虎可櫻採山健步飛鼙鼙北遷燕冀南荆衡晚春
初夏陪朱櫻秋冬二令香棗橙蕭然寂坐空所營清
談美睡來逢迎還童澤枯危登瀛訂千載社無寒盟
題延陵十字碑後

蔣 漑 武進

一灣豐草延陵墓聞道題碑是素王漫向斯文傷滅
沒應知寓意獨深長簡嚴不讓春秋筆燦爛真成日

月光回首江天一憑吊濤聲霧色總茫茫

其二

東南勝蹟餘殘碣寶氣猶堪射斗牛萬古交情傳十字一人知己足千秋山青水白高風在地老天荒孤塚留末俗何人知揖讓年年風雨泣江流

角里先生故居

七古十六韻

鄭覲旒

嘉定

縹緲峰頭角里宅先生高臥烟霞客商山一去幾千年浪打山門洞庭白結構誅茅攬翠微蒼松芬揀碧雲扉養芝歸去青精飯采葛行來白袷衣青精白袷

丹崖裏萬仞松風四面起震澤波濤撼石關包山烟月紛蘭朶烟月波濤秋復春道心澹泊隔紅塵看雲晚拄青藜杖延爽朝披烏角巾薜蘿蔓結歲蕤地鳥語林香剪秋水仙骨長應歌紫芝高蹤底事隨黃綺漢庭一至誤留侯如意他年貽母憂出山徒怪須眉古扶呂終成羽翼謀一別吳山長寂寞碧璫翠瓦空零落芰荷猶帶隔年衣玄紫虛塵舊時藥此日登臨倍惘然青杉蒼鼠夕陽邊可能一似遼東鶴華表歸來故宅前

角里先生故居

七古十六韻

陸恕

吳縣

君不見秦之鹿雖其足朝乘朱輪暮赤族阿房一炬
灰珠玉又不見楚之猴爛其頭酒酣擊柱爭封侯韓
彭汗馬付東流先生採芝商山裡富貴浮雲如脫屣
隱姓藏名木石間不忌桑梓號角里角里本近姑蘇
城越來襟帶五湖橫洞庭迤邐四山拱扶輿清淑產
耆英耆英安流先平勃高談爲振潛龍翻漢家雜霸
真少恩旌閭不及先生宅荒松竹水茫茫薜蘿夜月
照淒涼畝官丘壑今何在牧笛年年送夕陽一溪虹

影收殘雨幾樹鶯聲伴採桑烟霞無主空千載但餘
漁艇歌滄浪滄浪亭北梁鴻冢烈士要離共丘隴先
生高義相頡頏遺址留名天地永

角里先生故居

七古十六韻

邵學詩

嘉定

名山洞府三十六靈跡奇蹤記真籙包山秀出具區
濱遙環七郡俯姑熟高人往往此潛藏毛公張碩林
公屋角里先生尤著聞故居傳在山之曲當年羽翼
漢祚成別却金門向巖谷商山猶恐安車來指點東
吳看鷗鶩群峰羅立瞬顧中洞庭縹緲高轟轟漂渺

峰高人罕至徑回岵嶸森喬木五湖盤屈如銀虬懸
崖百尺看飛瀑采芝餐霞儼若僊銀髭掀處人如玉
轅公朱公各肥遯先生於此留芳躅憶昔不應高帝
召潔身肯被呂家辱佐命功勲盡如此智哉留候已
辟穀誰云功業比蕭曹預識北軍誅產祿先生勇退
足高蹈策杖林中友麋鹿寒窓快讀震澤編尚及千
古乃所欲

石湖串月

顧楫 蘇州

行春橋畔晚停舟萬頃秋澄澹不流瀲灩金波光上
下玲瓏玉鏡影沉浮弄珠漢女宵爲伴泣淚鮫人夜
未收何必瓊樓高處望石湖最好是中秋

其二

晴湖如鏡夜如何恰值良宵取次過百尺橋連銀漢
迥三更月浸玉盤多光搖鰲窟層層雪影落鮫宮細
細波莫羨霓裳羽衣曲畫船處處簇笙歌

石湖串月

黃 竑 崑山

波光瀲灩綠於煙棹出行春好繫船靈藥是宵多幻
景桂華今夕倍流天錦川玉鏡添無數碧漢珠胎只

一圓擬剪晴虹搓彩索好穿白璧大輪錢

其二

楞伽山上石嵯峨露冷松花佇薜蘿鷗鷺忽猜連璧
碎蛟龍貪攫夜珠多清輝偏洞三更滿碧練穿橋百
丈拖歸去廣寒應入夢一羣蟾兔幾嫦娥

石湖串月

顧光世 長洲

淡雲初霽散湖天繹絡佳遊滿畫船河漢乍歸玉笛
冷銀橋有路夜犀燃蓼花低拂干尋碧秋水空搖一
段煙醉問越來勝景幻嵩山枕幙未神仙

石湖串月

胡光遠 常熟

澄湖望月景無邊一片虛明着眼前箇箇乍圓如璧
合纍纍相貫若珠連參差素影交涵水泛濫清光欲
徹天遙想玉堂今夜月未須高燭照金蓮

其二

頗喜今宵樂事成湖波瀲灩桂華清涵濡精彩千般
白沐浴容光百倍明滾滾波中蟾不沒油油水底兔
長生一時俯仰恒如晝疑到東萊不夜城

羣雅集卷之四

古水李醒齋先生鑒定

南和宋實穎校閱

松陵朱虹

南蘭許維樾

鵲江丁德明

茂苑顧學遷全訂

表

擬

表

上以文華殿告成

特諭禮部詳具

皇太子出閣應行典禮擇吉舉行羣臣

賀表 康熙二十五年

詹國懷 宣城

伏以

國基允茂肯堂肇起於乘乾

家範攸垂大統克承於出震

丹陛占棟隆之吉任司空而兼命司徒

紫樞凝鼎建之亨貽文孫而先翼文子徽垣拱

帝座前星彩映中星銀漢壯

皇居少海泉通大海慶流奕葉喜洽羣工 臣等誠懼

誠忭稽首頓首上言竊惟制殊豐儉而前朝後

市之規百王不改祚異世年而啓後承先之道

歷代同揆雖茅茨土堦古風未崇黃屋乃命官

典樂盛世必正青宮東西朔南八年來栝柏之

貢辛壬癸甲四日膺疇範之祥毫都正位以來

阿衡作訓殷室數遷而後說命名篇家室肇周

原王者之門遂稱臯應篤生哲后長君營卜兼

表

鎬洛域中之軌畢集堂廡咸頌文謨武烈建靈
臺於岐下辟雍之鐘鼓共聞陳黼座以幽風天
室之箕裘永紹凡此制作聿成乎主輔遂致猷
爲並懋於顯承自侈造阿房僞封賜書之璽弘
開章殿悲築望湖之臺尚刑名法術之言鶴禁
芻屋廢訪道親師之典龍樓面牆未有北闕煥
新猷勤思講幄之地東宮傳丕緒爰咨宗伯之
臣如
今日者也茲蓋伏遇

皇帝陛下

德隆肇基

功高啓宇

元良樹本儲闡萃萬國之權

覆載爲心露臺惜百金之產舞兩階之干羽琳觀
會冠裳賁九野之旌旄翰苑儲楨幹念民依而
恤土木離宮別館之設無聞垂世緒而啓縹緲
商書周誥之傳不墜猶以闢門講學必新雕繪
於文華因之稽典定儀更藉贊襄於禮部恭惟

皇太子殿下青郊履武龍種冠乎百男丹穴凝文
鳳毛生而五色顧

英嗣夙優成性深宮旣擅睿哲之資乃

宸衷倍切聖功外廷尤廣謨猷之益春卿有命冬卿
有命教胄而簡臣鄰

綸綽與雕鏤並麗禮官是詢星官是詢作聖而資股
肱雲鳥依日月分光美哉輪美哉奐肇思文而
命名觀乎天觀乎人兼重華以取義都俞共協
熙載暨于禮樂工虞堂構相承昌後符於三千

八百臣等材愧作楨學慚博物凜官箴以輔治
究非榱桷杞梓之良荷

聖眷以陳謨亦昧損益質文之數主器實由睿質未
能仰贊高深章相早法

皇躬奚克分猷萬一關閩濂洛不獲真傳易象春秋
畧窺大概伏願

繼往倍勤

開來益懋

綜三才以立極坤輿覩丹牖之文

昭一德以垂謨離治奏螽麟之慶鹿洞鵝湖之辨
上闡於鴛班宗廟社稷之勲下承於

長子庶金湯永固貞吉卜自升階七鬯不驚作述

休垂纘緒矣臣等無任瞻

天仰

聖踴躍懽忭之至謹奉

表稱

賀以

聞

擬

上以文華殿告成

特諭禮部詳具

皇太子出閣應行典禮擇吉舉行羣臣

賀表

康熙二十五年

沈

泌

宣城

伏以

神聖乘乾萬國樂

熙皞之化

英文出震羣工邇

表

五

雲日之姿際

堂構之方新卜

球圖之克鞏

皇居壯麗紅雲擁

紫極以騰輝

帝祚延長黃閣暎

青宮而煥彩制垂百代慶洽萬方

臣

等誠懽誠忭

稽首頓首上言竊惟居堂介而正朔頒在廷共

欽夫天子垂衣裳而寰寓治立國莫重乎儲君

故天有紫微太乙之躔懸象以示遐邇而君有

內寢外朝之別創制以貽子孫軒轅傳教名臺

高風如在伊祈臨民有宅遺烈猶存警峻宇以

傳家夏后產敬承之子坐鑣宮而長世殷王獲

受命之符斯干咏竹苞松茂生男子而爲君王

闕宮稱壽母令妻宜大夫以及士庶召公定王

畿以相宅兆契靈龜世衍睢鳩之德光武成帝

業以建都欣瞻彩鳳載開貽燕之祥日墜茨日

丹雘義備梓材若鹽梅若舟楫喻昭說命則知

立天下之大本自須樹宗子之維城蓋生長深
官情性習貴端其素道先豫教師保傅必專其
官典樂命夔訓廸先乎胄子親師入學齒讓嫻
於澤官有文武卽有成康躋斯民於時雍風動
之休有高文斯有景武措天下於泰山磐石之
固自土木功煩而君臣道晦阿房一炬莫保箕
裘復道千尋徒縈怨恨牧野之瑤居瓊室狐媚
成羣孰講泰交於黃幄姑蘇之香徑努臺蛾眉
滿隊誰明繼序於彤廷蓬島閣玉女畱釵不念

如雲消散柏梁臺金人捧露寧知未雨綢繆以
致繼體之未光遂令先猷之莫繼未有經始慮
遠迥軼前修締造謀深聿超奕葉如

今日者也茲葢伏遇

皇帝陛下

允文允武

乃聖乃神

居重馭輕堂上鳳毛呈五色

宅中圖大膝前龍種冠多男坐堂而撫

少海之澄清既每虞其逸豫躋陞而眷

前星之炳耀更或慮其優閑爰當締造之告竣式

睹棖題之特煥翬飛鳥革琉璃瑞靄連雲詎止

所居容膝鵠峙鸞翔翡翠祥光耀日寧惟作舍

求謀乃沛

如綸用彰

若谷官禮綦詳於姬代秩序筆勅於虞廷咨爾春

卿職司儀制幸生明備之日敢循樸畧之規况

殿以文名想彬彬而郁郁而文以華繼美曄曄

以軒軒此中

講幄弘開海宇賴元良之慶異時

瑤圖式廓廟堂賡喜起之歌罔事游畋獨親編簡

寢門之誨嘗懋篤於官中府中

育德之方則較別乎師事兄事

聖功全端乎蒙養義取山下有泉

文象葢發於離明儼若天中之日山河扶繡戶香

烟裊裊羣瞻

北闕以嵩呼日月近雕梁環珮悠悠共望

東宮而華祝

金相玉質此日僉云有道曾孫

虎步龍行他年定爲太平天子是必敬

天法

祖交儆於宮廷抑且頌詩讀書無分於旦夕嘉禮豈
容或闕吉期應在所涓矧經制之商皇不可過
不可不及更月日之順協無先時無後乎時惟

天生

真主而宰函夏遂爾作之

君而作之師斯民戴我

后以正萬邦爰以紹治統而紹

道統誠哉

太和之象允矣

至治之隆

六五帝而四三王拜手颺言曰

善繼善述

覲耿光而揚大烈交口矢謨曰

丕顯丕承赫赫

龍顏覩

少陽而喜溢雍雍驚序仰

大厦而懽騰

臣

等窮經仰屋自知扁斲未能釋褐

升朝殊覺郢斤有愧荆榛下質謬廁巖廊樗櫟

一微材詎堪梁棟學賈誼之迪太子務諭教惟嚴

法魏徵之訓秦王當講明有素幸從

玉階仙仗効蛩鳴而頌吾

君有子竊聽

金闕曉鐘競虎拜而忻

聖主得人伏願

常勤側席

時監從繩

門闢旁求澤及於茅簷蔀屋

堂高怙冒恩覃於甕牖繩樞先治國而齊家屏書

無逸本燕天而昌後壁繪幽風將見

皇圖帝版巍巍奕奕邁三十八百已然之世年而

聖子神孫繼繼承承綿百千萬億無疆之曆祚矣

臣

等無任瞻

天仰

聖踴躍懼忭之至謹奉

表稱

賀以

聞

擬

上以文華殿告成

特諭禮部詳具

皇太子出閣應行典禮擇吉舉行羣臣

賀表 康熙二十五年

蔣 典 宣城

伏以

帝位乘乾四海著雍熙之烈

英姿出震萬邦瞻雲日之光

宮廷獻瑞於山川欣傳鵲

河嶽鍾靈於宇宙式近蓬萊乃當

闕苑之維新正值

青宮之授業喜騰薄海慶溢羣工

臣

等誠懽誠忭

稽首頓首上言竊惟唐虞之典禮攸隆義莫重於教胄夏商之章程悉備事必謹於建儲雖日卜方升克正少陽之位而海歌重潤宐披西序之經溫文光三善之名敏慧擅五稱之譽日墜茨日丹蘄梓材已有其文若舟楫若鹽梅說命復傳其訓以文王爲世子必懋隆齒胄於當年

卽周公訓伯禽亦雅諭觀喬於在昔將喻諸德而歸諸道官不必備惟其人蓋入有保而出有師學因乎時敬其業左圖右史縹緗登白玉之堂畫棟飛翬彷彿啟紫薇之署若乃罔勤土木原不同景福靈光於焉用著輝煌亦豈比未央長樂育德於童蒙之日生長於深宮學成於鼎盛之年參稽於外傳苟非春華秋實載瞻主鬯之隆何以東壁西園羣仰本支之秀茲蓋伏遇
皇帝陛下

欽明天縱

濬哲日新

天德光昭咸頌允文允武

王猷式擴共歌卜世卜年欣

少海之澄清平治之詒謀甚篤念

前星之朗耀弓裘之垂統匪輕用昭

帝制之隆快覩

文華之殿彬彬郁郁通

御座之香煙蕩蕩巍巍動

掖庭之鐘鼓文章輝映差裁挹天半之朱霞華采

紛披樓閣峙雲中之貝闕

特諭春官聿司儀制議將

出閣蠲吉舉行敬

祖敬

天之罔缺敢曰具文告

宗告

廟之宜循僉云先典爲月爲日運會爲之一新式觀
式瞻臣工於焉共慰探微丙夜何難窺二酉之

藏書訪道弱齡行見窮千聖之秘旨從茲

龍顏赫赫遂肯堂肯構之意戒臨御以詩書抑且鸞

序雍雍覩美輪美奐之餘仰懼呼於講讀臣等

範金有愧攻玉多慚慕稽古之桓榮竊矢懷於

殿陛師正心之程顥隱繫念於

熙隆祗今蓬戶潛身乏入室升堂之學自昔儒門

矢志鮮引經酌古之能惟緝熙以自新敢戲渝

于遜志伏願

徇齊攸覃

念典彌勤

精一執中沛性縉於位天育物

明新至善惕乾行於誠意修身

大廷皆納牖之臣學古有獲

黼座佩從繩之訓厥修乃來則郊吐麟章千載儒

風克振庭儀鳳翽萬邦文教咸孚矣臣等無任

瞻

天仰

聖踴躍懼忭之至謹奉

表

表稱

賀以

開

擬

上以文華殿告成

特諭禮部詳具

皇太子出閣應行典禮擇吉舉行羣臣

賀表

康熙二十五年

余光耿

婺源

伏以

聖世鞏鴻圖書棟煥鼎新之色

王心謀燕翼仙班谷豫養之儀

溫綸沛而慶衍

元良萬邦永賴

大典修而光生籤軸參考宜詳敷天賀大厦之初
成率土誦吾

君之有子

臣

等誠懼誠忭稽首頓首上言竊惟聖人

宅中圖大治天下若勤垣墉王者創業垂基賴
後嗣以承堂構故虞門既闢典樂斯命於后夔
豐宮告成陳書聿資夫尚父將以撫軍而監國
永戴室家之君王寧止視膳與問安上慰宮闈
之色笑粲自淳風旣邈諭教不先博望苑開座

羅賓客承華省設獻之箴規春誦夏絃誰修文
王世子之儀節朝日夕月空勞長沙太傅之訂
謨鼂錯號擅智囊性未馴於博局桓榮寵分稽
古聽祗聚於橋門未有

玉宇瓊宮甫耀

宸居之壯采瑤編錦字旋助

少海以文瀾如

今日者也茲蓋伏遇

皇帝陛下

神符天挺

聖德日躋

偃武修文松欲生於棟上

馳王驟帝筵會見於廚中

鳳輦時巡掩暎泰山梁父之績

龍章曉麗凌轢蓬萊典慶之篇圖史紛羅固已述

謂明而作謂聖藝倫攸敘更復子止孝而父止

慈瞻

前曜之方升如日初杲念

大本之宐茂其枝乃華縱武烈文謨淵源別有授
受而周左召右疑丞端賴師資爰因文華殿之
更新

特進大宗伯而申命謂美材而不澤以純學何異墜
莢之不加必天性而能養自少成乃爲丹雘之
可繼况廣廈細旃之畢備豈執經訪道之弗遑
秋羽籥而春干戈越席以請者幾事趨采齊而
行肆夏循墻是走者何儀其或羽葆飄飄禮若
南郊之始見其或醬爵饋醕義取北面之弗臣

要使法必素嚴扇勿搖於近侍毋俾儀非素習
鶴待移於臨時爾其博采宮寮酌爲定式

予將敬諏穀旦肇此隆儀臣等拮楨下材甕繩末品

對

闕廷而拜手空懷葵藿以待杼承

顧問而陳儀淡媿綿蕞之多陋讀名臣出閣之疏
調護知古人爲難披古賢養正之圖啓迺在今
日誠急敢不勉循掌故用以仰答

聖明伏願

功懋乾行

蔭垂震器

鑒風雨鳥鼠之宐去益固後嗣綢繆

知椽櫨窠椳之悉登廣羅王國楨幹人師難經師
易勿滋聚訟於白虎觀中師臣帝賓臣王不妨
坐講於崇政殿上則二三侍從非徒列園綺之
衣冠而千億子孫行見嗣成康之雅頌矣臣等
無任瞻

天仰

聖踴躍懼忭之至謹奉

表稱

賀以

聞

擬

上以文華殿告成

特諭禮部詳具

皇太子出閣應行典禮擇吉舉行羣臣

賀表

康熙二十五年

方

城 祁門

伏以

祥雲絢采光騰甲觀之輝

丹穴儲英長發前星之瑞

啟宇而廓雄圖美哉爲輪爲奩

諭教而遵古訓允矣式玉式金既竹苞松茂以孔
 安乃燕翼孫謀而永建海隅翕然人情嚮應臣
 等誠懽誠忭稽首頓首上言竊維王者大一統
 之模宸居端拱制必極其周詳聖人著元良之
 義養正蒙泉訓尤嚴於初服軒轅合宮攸創爰
 詒似續無窮姬室明堂肇興聿先保傅為重念
 規度之宏遠實根本之崇隆天下自一家也不
 下堂堦而就理後昆乃繼體哉用垂弓冶於無
 疆名司空名司徒馨鼓興而百堵俱作聞正言

行正事典冑切而殷輔是陳慨秦宮之非制亦
 漢猶之不臧築阿房於天府浪費金錢名遺老
 於商山罔資輔弼看花帝子侈別館之雲連置
 幕王寮知義方之日賣未有璇室起於中天董
 正行於

元子如

今日者也茲蓋伏遇

皇帝陛下

龍符御極

鳳籙當陽

宵堂而復宵構風清百二河山

爲創而亦爲承日麗三千禹服雕墻峻宇有明戒
焉不以太平而生賒廣之心誦詩讀書勿替引
之勿以芳華而長燕安之習孔孟大道之傳若
接淵源於一室典謨傳心之要如聆風旨於同
堂旣岐嶷以性成復詳明而善會雖仙李蟠根
直來天上而良金毓德亦藉人工正當鼓篋之
時可無大成之助適屆

文華落成僉謂果育有地矣迺

命禮官諏日咸曰茂正其室哉朱薨碧瓦雲擁少
室之僊銀豆金蓮蒲截侍臣之席大經大法必
旁搜遠紹以求其詳制事制心務討論講求以
弘其益稽古有獲納誨斯聰臣等材慙梁棟學
愧師資瞻

紫闕之嵯峩晴薰雉尾望

青宮之肅穆願比橋林知無不言敢忘納牖之初
心言無不盡用殫傾葵之苦志伏願

南山築室

豐水見休

承家肇奕葉之重光

垂裕本紹庭之令緒義存官始識懋建之攸宜功

協乾行信敬承之不遠將細旃廣厦高居稱萬

年之觴而衣德紹聞錫福衍百世之慶矣臣等

無任瞻

天仰

聖踴躍懽忭之至謹奉

表稱

賀以

聞

羣雅集

三



